



**Philippi Ecclesiæ Eystettensis XXXIX. Episcopi. De
Eivsdem Ecclesiæ Divis Tvtelaribvs. S. Richardo. S.
Willibaldo. S. Wvnibaldo. S. Walpvrga. Commentarius
nunc primum evulgatus**

Philip *<Eichstätt, Bischof>*

Ingolstadii, 1617

Cap. XVIII. De restitutione visus per virtutem S. Crucis.

[urn:nbn:de:hbz:466:1-70477](https://nbn-resolving.de/urn:nbn:de:hbz:466:1-70477)

Eti visibilis frueretur, Deum limpidius ab intra speculabatur, sicut excellentissimus Doctor Augustinus exponit de Paulo, super illud Actuum Apostolorum: *Et surgens aet. 9.
Saulus de terra, apertis oculis nihil videbat;*
& cum nihil aliorum videret, Deum videbat. Per quod significantius nobis datur intelligi, quod abdicatio exteriorum, conformatio[n]i interioru[m] cooperatur. Sicut etiam naturaliter loquendo experimento didicimus: homo enim in somno ab exteriori inquietatione soporatus, & à delectabilitate corporalium obiectorum suspensus, à diversis abstractus, vnitur. Et quia virtus unita fortior est seipsa dispersa; in tantu[m] mente conualescit, quod interdum diuina reuelatione, vel angelica cooperatione futura prospicit, quæ in vigilia, vt communiter non prospiciuntur.

CAPUT XVIII.

*De restitutione visus per virtutem
S. Crucis.*

Beatus ergo VVillibaldus nō obstante oratione visus, Hierosolymam

I 3

ire

ire satagebat. Ad manus ergo eum sicut Paulum trahentes , dolorosa pedum of- fensione , & tædiosa manuum palpita- tione progreditur. Et postquam multa Sanctorum loca in via , quæ dicit Hiero- solymam , peragrarat , tandem ad desi- deratam sibi , sanctam peruenit Hiero- lymam. Mira dictu , quia mira faciens ipse est Christus. Cùm basilicam , in qua viuifi- ^{ss. Villibaldus}
^{visum recipit}
^{in Basilica}
^{s. Crucis.} cæ Crucis vexillum fuerat inuentum , cæ- cus intraret , expansis manibus in modum Crucis Deum orans pro claritate lucis æ- ternæ , illico & sine mora lux quondam ei subtræcta , puriori aspectu , ac radio lucu- lentiori restituitur. Et quemadmodum per Crucem sanctā Dominus eidem spatium vitæ contulerat amplioris , sicut in capite libri prænotauimus , ita nunc per eiusdem salutiferæ Crucis honorem ei lumen exte- rioris vitæ restitutū est. Beatus igitur VVil- libaldus virtutem in se cœlestem agnoscēs ; & quia vt probaretur tentatus est ; aperta ra- tione prospiciens , voce iucunditatis Deo laudes personuit : & Patrem luminum , à

quo

quo omne datum optimum desursum descen.^{Iacob. i.}
dit, atque donum perfectum; & Christum,
qui illuminat omnem hominem venientem^{Ioan. i.}
in hunc mundum; sanctum quoque paracli-
tum Spiritum, consolatorem optimum,
qui in igne corusco super discipulos appa-
ruit; sanctam & indiuiduam Trinitatem
voce cordis & oris magnifice extollebat.
Signum etiam nostræ redemptionis Cru-
cem sanctam (quæ sicut scribit Ioannes Da-
mascenus, veneratione superdulicæ, hoc est,
veneratione superexcrescente, ut commu-
niter, venerationem Sanctorum, qui vene-
ratione dulicæ honorantur) summè venera-
batur. Nec immeritò, quia ei signum cura-
tionis in pueritia; & signum illuminationis
in adolescentia extiterat, & ad signatum
concupiti effectus se illi semper ostende-
rat.

Et quia autoritatem tam famosi Do-
ctoris in parte protulimus; cōuenit, vt ean-
dem ex integro recitemus; dicit enim sic:
*Virgo beata Theotocos sancta, hoc est, geni-
trix Dei B. Maria, & Crux sancta, vene-
tione*

tione hyperdulia honoranda sunt. Ex quo accipimus, quod cultus Sanctorum vocatur dulia, B. Virginis, & S. Crucis hyperdulia; ab *hyper*, quod est *supra*, & dulia, quasi super duliam, id est communem venerationem Sanctorum. Cultus verò Dei, dicitur latria, cui idololatria aduersatur. Scendum ergo quod B. VVillibaldus iura Ecclesiæ, ac sancta commonita fidei mente amplectens, & beneficia sibi impensa non ex ingratitudine parui pendens, B. Virginem, Reginam Virginum, Dominam Angelorum, adiutricem hominum, potestatiuam aduersatricem dæmonum, filiam Patris, matrem Filij, sponsam Spiritus sancti corruptam, inuiolatam, intactam, impollutam, incontaminatam, illibatam, semper beatam, prius sanctam, quam natam, in his quæ sunt citra Filium suum benedictū, super omnia reuereri satagebat; sciēs ipsam esse, quæ primo votum castitatis ac virginalis cœlibatus emiserat, secundum illud Psalmi: *Adducentur Regi virginē post eam: ipsa enim antecedit & præcedit omnes virginē,*

Elogia B. Virginis.

Pietas S. VVillibaldi erga Deiparā Virginem.

Psal. 44.

gines, dignitate & origine; & omnes eam iure sequuntur tanquam priorem ac puriorum, eidem ancillantes. Vnde ipse Virgo purissimus, Virginem matrem Dei tenerius reuerentiali amore prosequebatur.

Crucem etiam sanctam, per quam beneficium curationis ac illuminationis percepit; de qua, ut frequenter memor suæ illuminationis orando dicebat: *Signatum psal. 4. est*, per signaculum S. Crucis tuæ, lumen *vultus tui Domine, super me, ex quo dedisti latitudinem cordi meo.* Hinc etiam non immetitò presumimus, tam laude dignam venerationem in Ecclesia Eystettensi B. Virginis, ac S. Crucis iugiter exhiberi, tāquam ex eius institutione originaliter promulgata. Quæ exhibito reuerentiæ manifestatur in eiusdem Ecclesiæ cantibus, processionibus, & stationibus, oblationibus, ac aliis quām plurimis obsequiis, quæ in aliis non vidi-
 mus Ecclesiis, adeò iugiter ac honorabiliter exhiberi. Nunc stilum reuocemus, ut lectura magis, quæ de B. V. Villibaldi vita est, inferuire possimus.

*Reserentia S.
V. Villibaldi ex-
g. s. Crucem.*

*Cultus Angu-
laris, qui in
Ecclesia Eystet-
tensi B. Virginis
& S. Crucis de-
fertur, à S. V. Vil-
libaldo finit.*